



Inombolo yefayili: 19/2/P
Isalathiso: 20230118-431

Ingcaciso eMfutshane yoLawulo loVavanyo: 0001/2023

Iya: KumaSekela Balawuli-Jikelele, kuBalawuli abaziiNtloko, kuBalawuli (kwaNdlunkulu nakwii-ofisi zezithili), kumaSekela Balawuli, kwiiNgcali zeMfundo eziziiNtloko, kwiiNtloko zoKunika iNkxaso kwiKharithulam, kwiiNtloko zoLawulo noKuphathwa kwamaZiko, kuBaphathi beeSekethe, kumaSekela eeNgcali zeMfundo eziziiNtloko, kuBaququzeleli boVavanyo neeMviwo, kuBacebisi ngeZifundo nakwiiNtloko zamaziko alungiselela abaviwa kwiimviwo zeSatifikethi seMatriki sikaZwelonke

Isihloko: Imilinganiselo yamanqaku ehlaziyiweyo ye-School-Based Assessments neyeemviwo (amaBakala R-12)

1. ISebe leMfundo esiSiseko (iSebe i-DBE) likhuphe iSetyhula S33, yomhla wama-29 Disemba 2022, epapasha iziCwangciso zokuFundisa zaQho ngoNyaka (*Annual Teaching Plans*) zowama-2023/24 nemilinganiselo yamanqaku ehlaziyiweyo ye-School-Based Assessments (SBA) neyeemviwo neemfuno ezimiselweyo emaziphunyezwe ngonyaka wokufunda wama-2023.
2. Injongo yale ngcaciso imfutshane kukwazisa izikolo ngokukhutshwa kwemilinganiselo yamanqaku ehlaziyiweyo ye-SBA neyeemviwo neemfuno ezimiselweyo emaziphunyezwe ngonyaka wokufunda wama-2023.
3. Le ngcaciso imfutshane yenzelwe ukufakela izilungiso kwiNgcaciso eMfutshane yoLawulo lweKharithulam noVavanyo 0001/2022, yomhla wama-26 Apreli 2022, enxulumene neemfuno ezimiselweyo zemilinganiselo yamanqaku e-SBA kuzo zonke izifundo namabakala.
4. Iprogram yovavanyo icacisa imisebenzi, iimvavanyo, iimviwo, imisebenzi yovavanyo lwepraktikhali (izifundo ezenziwa ngepraktikhali) (*practical subjects*) nemisebenzi ye-oral (yeeLwimi), engqamene nesifundo nebakala ngalinye ukwenzela unyaka.

5. Imilinganiselo yamanqaku e-SBA neyeemviwo ifakelwe izilungiso ngolu hlobo lulandelayo:

| ISIGABA | IMILINGANISELO YAMANQAKU EHLAZIWEYO YE-SBA NGOWAMA-2023 |
|--|---|
| IsiGaba esiSiseko (amaBakala R-3) | Umlinganiselo we-SBA ngu-100% |
| IsiGaba esiPhakathi (amaBakala 4-6) | Umlinganiselo wamanqaku e-SBA ngu-80%: oweemviwo ngu-20% |
| IsiGaba esiPhakamileyo (amaBakala 7-9) | Umlinganiselo wamanqaku e-SBA ngu-60%: oweemviwo ngu-40% |
| AmaBakala 10-11 | Umlinganiselo wamanqaku e-SBA ngu-40%: oweemviwo ngu-60% |
| IBakala 12 | Umlinganiselo wamanqaku e-SBA ngu-25%: oweemviwo ngu-75% |

6. Makuthathelwe ingqalelo utshintsho kumlinganiselo wobungakanani (*ratio*) bamanqaku e-SBA naweemviwo kwisiGaba esiPhakamileyo.

7. Ezi zilungiso zilandelayo zifakelwe kwiprogram yovavanyo lwaphakathi enyakeni nakwiimviwo zokuphela konyaka, oko kukuthi:

7.1 Kwiimviwo zaphakathi enyakeni/zangoJuni:

- KwiBakala 12: Kwiimviwo zaphakathi enyakeni/ zangoJuni;
- KumaBakala 10-11: Kwiimviwo zaphakathi enyakeni/ zangoJuni; kunye
- NakumaBakala 4-9: Kwiimviwo zaphakathi enyakeni/zangoJuni ezibhalwa kumsebenzi osele ufundisiwe kuphela.

7.2 Kwiimviwo zokuphela konyaka:

- KwiBakala 12: Kuviwo olupheleleyo lweSatifikethi seMatriki sikaZwelonke;
- KumaBakala 7-11: Kwiimviwo eziphelileyo kwizifundo zonke; kunye
- NakumaBakala 4 – 6: kwiimviwo ezibhalwa kumsebenzi osele ufundisiwe kuzo zonke izifundo.

8. Imilinganiselo yamanqaku e-SBA neyeemviwo neemfuno ezimiselweyo zeprogram yovavanyo efakelwe izilungiso ekhankanywe ngasentla, **eqala ukusebenza ukususela ngoJanuwari 2023, iya kuhlala isebenza de itshitshiswe.**

9. Iiprogram zokurekhoda amanqaku nezokwenza iiripoti ezihlaziyiweyo ze-GET zangowama-2023 neerekhodishithi zezifundo ze-FET zowama-2023 ziya kufumaneka kwi-CEMIS ekuqaleni kukaMatshi 2023.

10. Izicwangciso zokufundisa zaqho ngonyaka zifumaneka kwiziko lewebhu leSebe i-DBE: <https://www.education.gov.za/Curriculum/NationalCurriculumStatementsGradesR-12/2023ATPs.aspx>.

11. Kucelwa amagosa ezithili zemfundo neenqununu ukuba bazise okuqulethwe yile ngcaciso imfutshane kubo bonke ootitshala, abazali/abagcini babafundi nabafundi ukuze bakuthathele ingqalelo.

ISAYINWE: NGU-H MAHOMED

USEKELA MLAWULI-JIKELELE WOLAWULO LWEKHARITYHULAM NOVAVANYO

UMHLA: 2023-01-23